


Öise Lade 4-2010, p. 54

Fettira – in mega pled. In pled premià tar nus: il pled da l'onn da la giuventetgna! Nüma nüt! Ed in pled positiv: fettira èsi sch'igl è capità insatge che fascinescha, che fa plaschair. Sch'in sigl cull'assa



Fettira!

tras la mesapippa è gartegià extrem bain per exempel. U sch'in concert è stà sensaziunal. 200 ediziuns dal magazin «Oise Lade» – era fettira. Ma pli fettira è il fatg che quest magazin porscha era insatge a la clientella rumantscha. Clever. Pertge quest magazin vegn legì. Era da la clientella rumantscha che va en il Volg da l'agna vischnanca. La plattafurma è pitschna – ma eleganta. E co fissi sche il Volg midass perquai – almain per las vischnancas rumantschas – ses slogan che ha num «Frisch und freundlich» en, per exempel, «Volg – fettira»? Jau cumprass. Ma la glied cumpra era uschia – ils rumantschs chapeschan gea tudestg senza problems. Nossa bilinguitad – adina gia stà in avantag! Dentant: simpatic fissi – sco la columna rumantscha en il magazin – sche era l'inscripziun da la butia fiss rumantscha per ils lieus rumantschs. Co savess quai tunar? «Volg – frestg e galant!» Ok; quai n'è betg f f. U lura: «Volg – frestg e franc!» Memia patetic? «Volg – frestg e frenetic!» Memia euforic? Sche lura: «Volg – fettira!»



David Spinnler

